

四庫全書

史部

欽定四庫全書

史部

硃批諭旨卷九上

臣 永 瑆 恭 校

編 修 臣 裴 謙 覆 勘

總校官中書臣朱 鈐

校對官庶吉士臣張九 鐔

謄錄舉人臣楊 鸞

欽定四庫全書

硃批諭旨卷九上

硃批楊文乾奏摺

雍正三年二月初二日河南布政使臣楊文乾謹
奏竊臣受

恩深渥凡事關地方緊要雖非專責亦必留心察訪入
境之後見黃河堤工物料並無備辦即詢問河員
及沿河地方官皆云因河道陳世倅不肯發銀未

經採辦經副總河催之再三止發銀十之三四尚
未辦到將來延至新年料價漸昂購買艱難等語
臣思豫省河防最關緊要時時上塵

宸衷前歲衝決以後蒙

皇上特遣副總河臣嵇曾筠

指授方畧河臣仰體

聖心率同河員辛苦經年始將各處隄工修築完固但
新築堤岸雖已告成全在次年保固必須預備物

料隨時搶修庶可無虞今物料不備一遇桃汛伏
汛倘有疎失將前此所費無限金錢盡歸烏有萬
姓復致流離關係匪淺臣受

皇上重恩何敢瞻徇隱諱為此據實密

奏伏乞

睿鑒施行謹

奏

此奏甚屬可嘉已有旨矣

雍正三年二月十九日河南布政使

臣楊文乾謹

奏為奏請

睿裁事竊照布政使專責在於庫帑今查豫省藩庫內
有前任布政使因黃河各口漫決支給銀五十八
萬九千有奇今工完水退日久尚未具

題請銷以致錢糧款項久懸臣思錢糧重大例應奉
有

諭旨或接部文方可支給但黃河水勢緊急一遇湧發

地方安危係於呼吸布政使若不給發倘有疎失
關係非小若從權支用不即

題銷又慮庫項無著臣再四思維去歲河工方纔告
竣保固全在今年恐歲修銀兩不敷所用查彰衛
懷三府捐納貢監事例原議每穀一石撫司銀各
一錢陸續收貯藩庫現計有二萬餘兩臣請將此
項或撥一萬或撥二萬解交河庫遇急取用此非
正項錢糧止令河道報明河撫二臣稽核摺

奏此後再欲動支必俟部文知照方行給發如此則
新築河堤既得隨時保固而

國帑亦不致擅自那移矣謹此密

奏伏乞

皇上睿鑒施行謹

奏

覽奏料理得當甚可嘉獎朕專為此事已有旨矣

同日又

奏為奏

聞事竊查豫省從前連被水旱百姓流移荷蒙

皇上念切痼瘼蠲糧賑濟發帑修堤田地涸出民歸故
土復蒙

天恩特命行文巡撫查明實在舊欠分作三年帶徵旋
經撫臣石文焯遵

旨具疏

題請部議五十九六十年舊欠錢糧於雍正二年

帶徵六十一年開歸彰衛懷河六府地丁漕米分
於雍正三四兩年各帶徵一半除雍正二年帶徵
五十九年錢糧所欠無幾其六十年錢糧開衛懷
河四府尚多未完今雍正三年又應帶徵六十一
年錢糧再加雍正元二兩年及今歲本年錢糧共
係五年並徵約計每年欠至數萬兩及數十萬兩
不等一齊彙催民實難支可否將歷年舊欠銀兩
稍寬年限除六十一年錢糧仍於三四兩年帶徵

其六十年並雍正元二兩年未完錢糧准於雍正
五年起每年止帶徵舊欠一年三年可以全完則
民力得舒而

國課亦易辦納矣但格外

皇恩出自

聖裁非臣下所敢沽名請寬者為此密

奏伏乞

睿鑒施行謹

奏

此事應與撫臣商妥具奏

雍正三年三月二十三日河南布政使臣楊文乾

謹

奏為奏請

聖裁事竊臣

初任山東曹州時素悉州之西南有桃園

集地方雖名屬曹州而界連三省壤接七縣實係

山東河南直隸交會之區查桃園集去各州縣城

池相距或一二百里或七八十里地形遼遠文武
兵役巡察難周其間匪類溷跡奸宄潛踪習尚強
梁遇有水旱事故即藉名糾黨乘機搶掠地方不
敢問州縣不及知緣離城寫遠奸民朝居此省暮
移彼境出沒無常縱有差捕亦難弋獲以致三省
匪類流聚於此日久養成錮弊非有專員不能彈
壓臣今蒙

聖恩簡畀河南布政桃園集又適在豫省交界密訪近

日情形依然如故臣查曹州原有州同一員並無
專司似可移駐桃園集但州同衙役無幾請將曹
州曹縣民壯內各撥二十名再於連界之六縣內
各撥十名共湊一百名責令該州同帶領巡查遇
有盜賊匪類不分何省地方何處人氏概許擒捕
解送印官審究并編查保甲互相稽察庶奸徒不
能托足地方永受敕寧之福矣是否可行伏乞

皇上勅下山東河南直隸各督撫遴員踏勘會同議覆

施行謹

奏

如此留心地方竭忠入告方不負朕任用之意朕實嘉之已有旨矣部文行令三省會議時爾將所見備悉開陳同撫臣田文鏡會商直隸山東督撫酌定具奏

雍正三年十月十五日廣東巡撫臣楊文乾謹

奏為奏謝

聖恩訓勉事竊臣家人齋回

御批奏摺至九江地方臣隨恭設香案望

闕叩頭敬謹開看內代臣父楊宗仁恭謝

天恩一摺奉到

硃批臣跪讀之下仰見

皇上聖德如天至明如日教忠教孝鼓勵臣工無不備

至不特

上天之報應分毫不爽而

皇上之鑒別賢愚尺寸無踰臣上荷

君恩至深至渥下遵父訓維切維嚴茲蒙

皇上聖諭惟有益加惕勵竭盡駑駘務期無欺於

上天即無欺於

皇上也為此具摺恭謝

天恩謹

奏

覽奏披露衷誠朕甚嘉悅從茲弗移此志自有後效也

勉之

諭楊文乾爾父朕實深為惋惜曾為之垂淚數次至朕之加恩處諒爾自皆知悉今因廣撫不得其人命爾在任守制朕心實為不忍爾其仰遵朕命忍痛竭力為之前爾已獲解任赴楚侍奉爾父兩年昨赴粵任又經路過定省爾父可謂子道已盡爾父年及耆艾備蒙朕恩已成全千百年一人物矣爾雖抱罔極之痛言念及此復當代爾父慶幸也死生有數不必過哀今即令爾丁艱守制已不及遂爾慎終之志矣當恩移孝作忠勉圖

報効再者爾列款條奏一摺朕已留中閱爾此摺似在昏憤匆遽之際所奏朕亦不即為憑今既命爾在任守制於回任後再加詳悉一一斟酌奏聞不必過忙徐徐料理具奏可也特諭

雍正三年十二月初十日廣東巡撫臣楊文乾謹奏為奏覆事竊臣齋摺家人回至江西九江地方奉到

硃批諭旨臣敬謹跪讀伏念臣父生前歿後疊蒙

皇上寵眷逾常得為千百年一人物不特臣當代臣父

慶幸即臣之子孫生生世世亦永戴

鴻恩於勿替且

聖訓周詳委曲指示至再至三實不啻家人父子臣五

中感激涕淚交流惟有矢竭赤心於地方一切利

弊及同官屬員之賢否凡有耳聞目見即據實密

奏一面殫力辦理政務愛惜百姓以仰副

皇上惠養元元委任微臣之至意伏查臣於八月間摺

奏奉

旨面交各事件今奉

諭旨將臣摺留中令臣再加詳悉一一斟酌徐徐料理
具奏除老戶一件已蒙

御批臣欽遵密囑布政司及各地地方官實力奉行外其
餘各條現在逐件細加訪查必有益於

國家有利於百姓斟酌妥當陸續具摺奏請

睿裁所有奉到

硃批諭旨理合恭繳謹

奏

一切俱當黽勉實力奉行

同日又

奏為奏

聞事竊查廣東地方晚禾收成分數據各屬詳報廣廉
二府屬并羅定州屬俱有七分韶惠潮雷四府屬
俱有七八分肇慶府屬有六七分南雄府屬有六

分高瓊二府屬俱有五六分目下米價廣州南雄
韶州惠州潮州肇慶等府屬每石六七八九錢至
一兩一二三四錢不等高州府屬每石三錢三分
至五錢五分不等雷州府屬每石四錢六分至八
錢五分不等廉州府屬每石六錢五分至七錢不
等瓊州府屬每石六錢三分至八錢五分不等羅
定州屬每石八錢一分至一兩不等再查粵省除
南海高要高明四會三水等縣被水之後收成歉

薄其餘皆屬豐稔現在地方安靜百姓樂業臣謹
繕摺具

奏恭慰

聖懷伏乞

睿鑒謹

奏

據奏地方收成及米價各情形深慰朕懷

同日又

奏為奏

聞事竊臣自楚回任據文武各官報稱廣州府龍門縣
上坪山有礦徒三百餘人帶有風箱器械潛來偷
挖又惠州府長寧縣米篩山有礦徒數十人偷挖
錫砂河源縣鳳凰山桃子科各山場有礦徒二百
餘人永安縣猫公坑有礦徒千餘人偷挖銅砂俱
無擾害地方等因到臣聞報隨飛行該管文武
帶領鄉勇弁兵協同前往將首犯擒拏究解餘黨

悉行驅逐并飛移督提二臣轉飭協捕去後現今
已有解散者尚有未經解散者俱在嚴催捕逐俟
驅逐淨盡後再將臣前摺所開大岐山等處選擇
殷實之人取結承辦止用本處人傭工不許異籍
流棍攬雜在內如此不特銅觔可裕鼓鑄而窮民
亦得藉以資生且各山既有官商承管流棍難於
托足更可免易聚難散之患矣除開採事宜容臣
細訪酌妥另行奏請

聖裁外今將礦徒緣由先行密

奏伏乞

皇上睿鑒謹

奏

雖云令本地人民開採可免易聚難散之患然官商二字究非善政亦不宜聚集多人此事當與督臣孔毓珣詳審商酌會奏慎毋涉於輕率孟浪

同日又

奏為奏

聞事竊臣自楚回粵行至江西贛州地方接到署廣東
布政司惠潮道方願瑛稟帖內稱告休藩司朱絳
虧缺庫項銀三萬一千四百餘兩未敢接受朱絳
係總督兒女姻親諭令出結交代願瑛不敢出結
總督即面委糧驛道殷邦翰接署司印邦翰亦云
若有缺欠不肯出結總督因而中止但庫項虛懸
未便等語臣隨令署司差人速回傳諭令朱絳趁

臣未到之前作速賠補若到任後盤出虧少惟有據實

題叅欲求徇情擔延代為容隱斷斷不能等語去後復據署司報稱朱絳聞信畏懼自交出銀并總督代為彌補所有虧空之三萬一千四百餘兩陸續俱已補足等語臣到任後親赴藩庫逐一盤查所有應存正項銀兩果已交補足數並無虧缺矣至粵東從前因辦理公事需用銀兩遂將各屬俸工

并火耗銀兩紛紛提解以致不肖州縣竟有藉端
加耗私行科派等弊且提解不均州縣有坐享厚
利者有養贍不足者種種偏枯不一而足臣現在
將通省耗羨確數徹底清查明白通盤計算使督
撫司道府廳州縣各官均留養廉之費并將公事
之中確查明白核定實數將從前浮費通行裁減
州縣加派等弊盡飭革除務使小民咸沐浩蕩
皇恩於靡既除作何酌定之處俟臣等公會議妥當

立有章程另行密

奏外所有著落朱絳補足原缺庫項及斟酌藩庫章程各緣由謹先繕摺奏

聞謹

奏

司庫此項那用孔毓珣曾經奏過爾等封疆大吏惟宜一心一德以和為主切毋聽信屬員離間之言以至好惡參差也孔毓珣乃督臣中之優者爾當與之協衷共

力代朕整理地方勉之

同日又

奏為奏請

聖裁事竊臣於回任後檢查命盜案卷自雍正元年起至本年十月以前通計三年之內命案共有七百零七件內除審題並外結過各案外現在未結尚有一百零一件盜案共有二百八十九件內督臣已叅疎防者二十八件除審題并外結過各案外

現在未結尚有一百七十七件臣於五月間入覲
陛辭時荷蒙

諭旨若命案內有情罪稍輕或屍親願息者許臣審明
酌量完結彙齊摺

奏臣現在欽遵酌其情罪稍輕者即為審明完結每
月具摺奏

聞外至粵東山賊洋盜處處皆有是以刼掠頻聞現今
已叅未叅案內盜犯充滿監獄報病故者殆無虛

日將來春氣一發瘟疫纏染恐多瘕斃臣仰體

皇上如天好生之德現在嚴催按察司將從前積案飛
速招解臣不拘早晚隨到隨審將已叅疎防之案
繕疏具

題外其未叅之案可否酌其情罪分別速結以免目
前監內之擁擠并免將來春氣之瘟疫作何發落
臣亦照案每月彙齊摺

奏嗣後凡有督臣叅過疎防之案臣照例審明具

題如督臣未叅之案俱照此完結每月繕摺密

奏是否可行臣未敢擅便伏乞

皇上批示遵行謹

奏

盜案非命案可比命案遲延拖累無辜固屬不宜若因
監斃者多遂立意輕縱盜犯尤為不可此事朕難批諭
況亦非摺奏完結之事倘慮積案拖累在汝秉公嚴催
詳情度理而為之耳孔毓珣於緝捕盜賊甚為盡力彼

擒之汝縱之恐汝難當此論縱虎歸山豈為仁政此等
作為非積陰功乃大壞德行事也若不加意斟酌萬萬
不可

雍正四年正月十九日廣東巡撫臣楊文乾謹

奏為奏請

前據年希堯陳奏粵東情形實為非常難治盜賊公行
聖裁事竊照廣東十府一州非濱臨大海即境有崇山
竟有闔村闔鎮為盜賊以營生者倘彼中有一人出首
姦宄出沒俱非內地可比而廣肇潮瓊四府更為
衆即害其一家性命地方各官亦只得付之於不聞其
緊要臣自回任後細看文武各官遇有命盜不顧

紳矜富戶非情願竊盜因懼其知奪反資助之以為自
全之計爾於此等處當詳慎料理不可過急至於命案
心辦理非力為振刷則舊習難改除貪婪不法之
據云一二日不理即積至數十件若件件具奏又不勝
其煩其言似覺有理爾於難處之中竭力詳審為之
題叅外查廣州府屬縣半皆濱海命盜案件甚繁知
此所奏甚公朕向知張瑗庸碌守分之人而已今果屬
府張瑗雖係老實本分之人但無理繁治劇之才
平常

政事每多廢弛已經赴京引

見自難逃

聖明洞鑒惟是此缺非有才守兼優熟悉風土之員實

依爾所奏已有旨矣但於保奏人員一節當亟加小心

莫招物議可信之人甚難朕持生殺予奪之權於諸臣

中尚不能得數人而倚任之況爾一省微員中何得多

皇上天恩以之陞補廣州府知府則省城要缺可收臂

有出色人材耶切母被人欺騙有才無德之人甚可畏

才德兼全之人實不易得此一事大為慎之區所屬州縣

山深箐密地接粵西綿亘數百里俱係匪類潛踪

之所為粵東西面門戶甚關緊要非有強幹廉潔

之員亦斷難勝任知府韓謨僅能循分供職而已

現奉

此

此

此

此

此

此

此

此

旨調赴引

見自難逃

聖明睿照之中臣所有一二深知之員與例不合已經
另摺密奏伏乞

皇上特簡賢能賞補至按察司一缺為通省刑名總匯
更關緊要赴京引

聞此人甚好見按察使宋瑋才堪勝任

但先因患病是以不能逐案

速辦署事之聲高廉羅道李濱才具庸懦辦事平

常甚至有將別案人犯誤入此案重罪者及至詰
似此何能勝道員之任耶
問該道茫然不知斷難令其久署查奉

旨帶往粵東題用之道員殷邦翰經督臣題補廣東糧

驛道現署道篆革除陋規辦事勤謹已將該員改
此人當留心試用原非上智之資而出身卑微不可過
委暫署按察司印臣時加察訪倘有改操及聽斷
信也

不實之處臣即據實嚴叅斷不敢徇情面以負

聖恩也俟宋瑋引

見回日仰懇

皇上將殷邦翰調赴引

俟伊助爾料理地方事務稍有頭緒再令來京

見看其才具可否補用伏乞

睿鑒抑臣更有請者嗣後遇有要緊缺出如品級相當之員臣具疏題補倘人地相宜而品級不合者臣

即具密摺奏請

聖裁批示遵行謹

奏

第一務鎮密要緊再者爾等督撫指缺題人多有論奏

此法不妥者朕近有旨令爾等將賢能之員預保送京引見遇有人地相宜缺出再密摺奏請此法最善亟當遵行也

同日又

奏為奏請

此人漢仗出色於陞見時朕亦曾面降溫旨賞鑒已將聖裁事竊查臣標中軍遊擊范宗堯係武進士出身先

伊陞用矣

做廣州衛守備臣父楊宗仁任粵時委令編查保

甲精細詳密緝捕盜犯甚多後於湖廣總督任內

奏請改補漢陽縣知縣業已奉

旨允准復因兩廣督臣楊琳保題遊擊是以現在臣標

臣查其操守廉潔粵省民情甚為熟悉又奉

有旨調來看

旨帶往粵東題用之衛守備王昭威臣在山東時見其

東昌衛任內編甲捕盜賑濟查荒不特勤慎急公

武職

缺亦緊要但看其人之合與不合耳

亦且細心周到臣看此二員皆於文職相宜若以

武官終其身甚為可惜可否仰懇

天恩嗣後有緊要缺出容臣將范宗堯題請改補府廳

此等事明題固屬不可朕即特旨補用之後爾若少露
用將王昭威題請改補州縣用但武職改文乃格
其端緒於本人或使外人聞知皆非爾自全之道極宜
外

慎之密之
隆恩出自

聖裁非臣所敢擅專也再臣兩次由楚赴粵經過江西
聞現任南康府通判胡恂才具優長聽斷明敏臣
看其人品端正年紀五旬內外正可効力并問其
居官為政之道應對條暢諸事諳練臣思胡恂在
江西不過佐貳閒曹若得仰邀

聖恩皆依所奏已另有旨但此等事密之又密大有干係少勅發來廣准以緊要之缺題補於地方大有裨益

露圭角在爾身上為害匪細
但係格外

隆恩亦非臣所敢擅請也又河南省原任鄆陵縣知縣
孫國璽臣在河南時深知其辦事勤慎操守廉潔
又候補同知黃文煒臣在陝西時見其在軍前効
力老練勤敏才具年力皆堪任用可否仰懇

天恩將孫國璽黃文煒

勅發來廣俟有緊要缺出酌量具疏請

旨補用則人才不致淹滯而重地可資治理矣為此一

併繕摺密

奏伏乞

皇上睿鑒施行謹

奏

孫國璽等俱照爾所奏勅發但若因自所保薦之人袒護其短則萬萬不可且更當加一番琢磨以服衆論方為合理況人心最易動變日後改絃易轍即係親子亦

難永保第一要不被人愚時時留心察驗方與國事已
身兩俱有益若不如如此稍涉於偏私或失於不密則公
私皆有損也慎之慎之

同日又

奏為奏謝

聖訓事竊臣齋摺家人捧回臣奏謝

聖恩訓勉一摺奉到

硃批臣跪讀之下愈覺感激無地伏念廣東巡撫乃臣

父楊宗仁舊任之地臣若不時凜冰淵稍移初志
不特欺瞞

皇上為

上天所不宥而遺囑有違亦無以對臣父於地下是以回
任後矢竭忠誠一塵不敢沾染一刻不敢偷安存
心舉念惟思上報

聖主施政行事惟期下益民生薦劾官員不敢少徇情
面興除利弊不敢拘執偏私若事屬疑難或案情

重大臣不敢自主者繕摺奏請

聖裁批示然後舉行為此具摺

奏謝併恭繳

御批謹

奏

報効之心雖切遇事不可過於急驟凡百慎重徐徐次第為之

雍正四年二月十二日廣東巡撫臣楊文乾謹

奏為恭謝

天恩事竊臣父楊宗仁生前歿後屢荷

皇恩已非尋常可比前蒙

賜卹

賜襲加贈加祭

曠典頻頒既深且渥今臣遣臣子楊應瑤扶柩

進京又蒙

特旨遣親王大臣致奠送殯逾格

恩施至優至渥臣銘心刻骨涕淚交流臣雖肝腦塗地
猶恐不足以仰報

天恩惟有凜遵

皇上聖訓恪承臣父遺教殫心竭力整飭地方以勉盡

臣職圖報

聖恩於萬一耳緣感激下忱章疏未悉謹再繕摺恭謝
天恩謹

奏

知道了何用爾奏謝朕待爾父之恩爾如何寫得出感激之情朕意加恩於爾父作一標榜以為天下後世之封疆大臣勸也勉效為之

同日又

奏為恭聆

聖諭事本年正月十九日布政使臣常賚到粵宣傳

上諭臣跪聽之下仰見我

皇上天地為心無不覆載臣自抵粵後凡見西洋人必

宣示

聖天子恩威普被中外一體今奉

密旨臣益當謹記恪遵加意撫恤以仰副

皇上懷柔遠人之至意再粵東盜賊甚多實非他省可比

聖諭盜不息民不安誠為千古至論臣敢不著實留心
現在將各府地方形勢何處山深箐密盜賊潛藏
何處海口港汊奸匪出沒一一確查明白并令各

有司因地制宜商議作何防範消弭之法容臣細
加籌畫斟酌妥當另摺奏

聞謹

奏

知道了徐徐籌畫萬全善策具奏又聞人言廣州府屬
之市橋紫泥大小龍石基等村素稱盜藪比戶皆賊而
惟市橋為尤甚文武官不敢正視任其肆行彼中倘或
有一二欲出首以求自免者闔村必害其全家後雖添

設遊擊亦不過袖手旁觀竟無如之何云云此當加意
設法以消弭之不必急驟且聞粵省有數種賊船名為
鰕勾花魚嫺船之類其行甚捷賊皆乘此行劫云亦當
設法稽察嚴禁也

同日又

奏為恭繳

御批事雍正三年十二月十六日臣齋摺家人回署捧
到

硃批臣謹祇領訖今布政使臣常賚於本年正月十九日到粵臣看其為人謹慎言語和平仰見

皇上鑒別人才毫釐不爽查廣東藩庫因告休前司朱絳病後諸事叢脞必得才具優長之員方能清理
今幸蒙

特簡常賚補授臣自當凜遵

聖諭共相勉力惟以地方民生為重料理妥協庶幾不
負

聖恩委任臣兩人之至意為此繕摺恭繳

御批謹

奏

大凡人改換境遇而心不隨之更移者少朕但信其從前而不敢保其向後也汝與之共事再看如少有瑕疵據實奏聞

同日又

奏為奏請

聖裁事竊惟察吏即所以安民貪員不去百姓難安如貪婪不法之饒平縣知縣魏沅程鄉縣知縣高彥登重耗加派之文昌縣知縣沈元滄勒索屬員之

瓊州府知府岳綸雷州府知府李延塽急情廢弛

岳綸庸碌人也若再貪利何可姑容所參甚當李延塽之東莞縣知縣于梓香山縣知縣余慶錫河源縣

亦聞得不堪

知縣王灝等八員分別具疏糾叅請

旨外其餘劣蹟未彰尚知畏法者臣現在宣布

教而不改及庸劣無能者當即叅處如尚可以雕琢者皇上恩威誠令改過自新倘怙終不悛臣即當密訪的

仍宜

教訓再看毋得過刻
確另行叅

奏惟是瓊州一府孤懸海外距省一千七百餘里耳目難周兼之民黎雜處務須調劑得宜非有才守兼優之員難勝其任查原任河南祥符縣以知州管知縣事王士俊係奉

旨命臣帶往粵東補用之員其操守才能久荷

聖明洞照仰懇

皇上天恩將王士俊暫為署理候朕有旨命爾題補時授瓊州府知府則海外要區可

兩另選合例一員并王上俊將二人題奏請旨
收臂指之效因係知州陞補知府必須出自

天恩非臣所敢擅請者為此具摺密

奏伏乞

睿鑒施行謹

奏

覽

同日又

奏為奏

聞事竊照粵省廣惠潮肇四府人烟稠集出產之米不足供民間食用向來原藉粵西販運接濟今聞粵西買補倉穀商販聞風裹足是以今春四府米價比前昂貴伏查廣州省城係五方雜處戶口繁衆需米最多商販三日不至市價即時騰貴目下西販不來省城米價日增小民艱食臣仰體

皇上愛育羣黎之至意欲發銀買米減價平糴但一時無項可動臣因民食起見暫借太平關稅鈔贏餘

銀一萬兩委員往廣西梧州南寧等處採買米穀
今已買到數千石現在糴賣所賣之價歸補原項
其惠潮肇各府州縣倉穀雖有糴三之例因督臣
題請碾支各鎮協營兵米所餘無幾不敷平糴臣
思米價關係綦重無可設法只得令米貴各州縣
於糴三額數之外酌量多糴一二分以平市價早
熟之後即責令照數買補還倉因與定例未符不
敢具疏

題報為此繕摺奏

聞謹

奏

雖與定例不符因時制宜當如此通融但倉庾積貯所
關甚鉅必周詳籌畫而後舉動不可漫忽

雍正四年四月初三日廣東巡撫臣楊文乾謹

奏為奏

聞事竊照粵東山多田少米糧向藉粵西接濟春天雨

水過多商販稀少各府米價稍昂惟潮州府為更甚臣與督臣孔毓珣會同商酌將隣近各縣倉穀移多濟少撥發運往減糶以平市價今賴

皇上福庇已於三月二十一日雨止天氣晴暖各處禾苗悉皆滋長現在佈種可望豐登二麥已收約有七八分民情安樂誠恐遠厓

聖懷為此具摺奏

聞謹

奏

覽奏深慰朕懷

旗兵無禮之奏料理甚屬可嘉朕深為欣悅李杕此等行為何能勝將軍之任已有旨命石禮哈前往更替石禮哈實心効力明大義人也其病亦只恐太過耳廣東駐防向日習俗不善經管源忠苟且姑容諸事廢弛非石禮哈其他恐不能移易其舊染之俗伊到時爾與之同心合德料理此事奏摺已交與阿克敦帶來口諭此

摺內之諭且暫密之不可再令一人知也

同日又

奏為敬聆

聖諭勉力遵行事竊臣齋摺家人回署捧到臣奏命盜
二事一摺奉有

硃批臣跪讀之下惶悚無地伏念地方大患莫過於盜
賊若盜賊不除良民不能安枕地方豈能寧謐臣

叨荷非常

厚恩身膺封疆重寄如敢輕縱盜犯圖積陰功一萌此
念實屬大壞德行事也今奉

諭旨臣自當愈加勉力以期無負

皇上除盜安民之至意再查廣東省城盜賊甚多皆係
旗人兵役窩留臣思非編查保甲不能清理但廣
東駐防旗兵不比別處另設一城皆與民人接連
而居從前督撫亦有舉行保甲因旗兵不遵隨即
中止臣為地方起見不肯因循是以會同將軍及

在城文武不論兵民旗漢務必逐一編查徹底清理省會之奸匪既清則各府州縣亦可逐漸舉行盜風庶可少息矣為此具摺奏

聞謹

奏

此見甚好石禮哈到時與伊同心竭力為之務期實在通行弭盜之法此為探本窮源之上策所以朕近日復嚴飭爾等也勉為之

雍正四年四月十四日廣東巡撫臣楊文乾謹

奏為恭謝

天恩事竊臣子應琚來粵恭捧

欽賞各種克食臣隨出郊跪迎回署臣子敬述

皇上聖諭臣跪聽之下感激涕零恭設香案望

闕叩頭謝

恩訖伏念臣何人斯邀此

異數殊恩感激之深銘勒肺腑惟有凜遵

聖諭同寅協和一切公務會同商酌細心辦理諸事慎

重徐徐次第舉行益竭愚誠愈矢忠悃以仰副

聖天子委任期望之至意為此繕摺奏謝

天恩謹

奏

同寅協和四字最為要緊一著如有勢不能和心迹迥
異處不妨據實密奏斷不可匿怨於衷彼此借事巧隔
蓋上司秉公而相協和則不肖屬員無所施其詐偽宵

小之輩往往啓釁唆挑致令上官不睦乃就中取事以
為兩倚之局久之必有一邊袒護於己以自利也此等
羣小伎倆爾等大吏若看不透致被愚弄受害甚巨即
朝中黨援亦皆由此分門立戶而生恩怨也看透此者
亦惟當年雍親王一人耳其黽勉公和屏絕私比竭力
遵奉朕諭行之久久自知其妙也勉之

同日又

奏為奏

聞事竊查粵省辦理公務從前每年用至六七萬金于
火耗內提用臣細查從前公務開銷銀兩之數尚
有儘可減省者是以會同督臣及各司道府公同
商酌先將公務中之可省者盡行裁減今所存必
不可少之項每年約共需銀四萬兩隨查廣東民
間置買產業推糧過割向有州縣公費一項臣思
此項非正項錢糧合計通省約有二萬餘兩可提
作公用又廣東奉裁衛所三十八處其屯戶錢糧

火耗每年約有萬餘兩今既歸併州縣徵收此項亦可提作公用兩項合計約畧可為辦理公務之用似無庸再藉於火耗矣又各官養廉一項州縣徵收火耗每兩定於加一其實連戥頭并封積零合算每兩原有一錢三四分不等今止令解司平頭三分實存州縣尚有加一外有部議捐修戰船約去一二分按察司及道府廳員今酌定幫助養廉之費令州縣各自繳送約再去二三分是州縣

每兩約實存五六分儘足養廉其解司平頭粵東
每年額徵銀一百餘萬兩每兩三分約共三萬一
千餘兩內除每兩三釐為布政司衙門首領庫役
人等養廉餘銀督撫藩司均分為養廉之費各得
銀九千餘兩俱可足用至於屬員餽送臣槩不敢
沾染即通省各官凡屬員餽送禮節等項亦盡皆
嚴禁如此則上司不索於州縣州縣不索於百姓
庶幾民困少甦矣謹將應用公費及養廉各細數

另行開列繕摺密

奏伏乞

皇上睿鑒謹

奏

但務得中為是若暫邀一時之名使將來至於難措非
善舉也民情亦不可令至驕慢屬員亦不可令至窘乏
天下事惟貴一平所以古人有平治天下之語若一偏
之見致遠恐泥故君子不為利不什不變法害不什不

易制似此通盤更移之舉必須徹始徹終籌畫計量妥當而為之慎毋逞一時之興而輕舉也

同日又

奏為奏請

聖恩欽差確審事竊粵省旗廝奸棍開設米舖高價病民擁至臣衙門喧鬧一事業經臣具摺奏

聞在案其中有無主使彼時尚未周知今據布按二司公同審訊各供臣細查其情節始則鑲黃旗披甲

閔義臣等誘集無賴棍徒赴廠搶穀又打散買米窮民并打傷監糶官員及巡檢赴臣衙門控訴旗兵等即赴將軍衙門喊稟將軍傳諭令往巡撫衙門去講伊等即至臣衙門喧擠及臣拏獲棍徒將軍李林隨來臣署令臣釋放臣未敢聽從李林於次日又傳理事同知汪荅文囑令求臣從寬完結臣終不敢聽從李林始將鈴束前營兵丁王有才不嚴職名

題叅計圖卸責而案內旗人又槩匿不奏伏思將軍
此人大有隱病朕誤聽隆科多之言而用者其來歷甚

李林世受

長難以枚舉已悉諭阿克敦來粵與汝會審此案矣
皇恩身膺重任不思約束兵丁綏靖地方以圖報効乃

反樂於地方多事李林之處心積慮臣誠不解是
何意見但事關旗兵鼓衆臣不敢承審致啟嫌疑
伏乞

皇上欽差部院大臣來粵確審按律定擬以彰

國典如審出臣有不職之處仰懇

天威即將臣先賜罷斥治罪以為辜負

君恩怠忽民事者戒為此繕摺密

奏伏乞

睿鑒施行謹

奏

汝於此一事甚屬可嘉前已有旨茲不復諭也

同日又

奏為奏

聞事竊查臣標中軍遊擊范宗堯臣見其為人直爽操
守亦好又因從前編查保甲妥協是以密摺保

奏在案今三月三十日旗兵棍徒至臣衙門喧鬧臣

令該中軍出外傳諭見伊倉皇失措茫無主見大
非平昔光景及至旗棍擁至大堂時該中軍又潛
往將軍衙門躲避迨事後行令布政司等查詢緣
由雖據范宗堯回稱見擁入轅門者率多旗人是
以奔請將軍來轅驗看等語但因旗棍聚喧小事

如此方是朕之所嘉正如此居心行事者大凡薦舉人
該中軍即思借端躲避倘身臨大事安望其忘身
何能保其始終若必待看透方保則世間無堪薦之人
矣一而且據目前所見薦舉隨復留心試有倘與前言
國恩臣斷不敢以保薦在先遂為袒護徇庇致干欺
有不符處只管據實直陳斯乃為國用人之道大公之
心也保薦人當以此為法
摺密

奏伏乞

皇上睿鑒謹

奏

更有可笑處前據李杲摺奏云汝使范宗堯去求伊解
事朕未經批諭朕曾記范宗堯人甚精彩但恐過於聰
明耳汝如不信遲數年來見朕時面與汝看大凡聰明
人率多有此一病

同日又

奏為奏

聞事竊照粵東入春以後各處米價漸增潮郡尤甚臣
酌於存七穀內撥糶一二分接濟民食前經

奏明在案旋因雨水連綿米船不至而惠潮米價竟有數日每石糶至三兩臣即會同督臣將各屬倉穀移多就寡撥運糶賣又經奏

聞在案至碣石地方孤懸海外兵民稠聚需米尤急臣等將惠州府倉穀前後共撥一萬七千石由海運糶并將惠屬附近潮城之興寧長樂二縣倉穀撥運一萬二千石赴潮州府及南澳地方平糶餘俱就本縣存七倉穀內通融動糶所賣之價令其貯

庫悉於秋收照數買補不致虧缺幸三月二十日以後天氣晴明現在禾苗茂長將來可望豐收日內米價漸已平減民情相安謹將惠潮一帶撥糶倉穀緣由繕摺奏

聞謹

奏

相機調劑係爾等封疆大吏之專責所奏知道了地方蓄積為第一要務刻不可忽天時難以期必百凡預之

一字當時時留意講求者也

雍正四年七月初九日廣東巡撫臣楊文乾謹

奏為奏

聞事竊查粵東自三月二十日以後晴雨及時穀穗堅
大目下正當早禾收穫廣州府屬收成皆有九分
十分不等其餘各府收成分數現在飛檄確查到
日另

奏外現今米價俱已平減至各屬晚禾皆已播種雨

水調勻生發暢茂豐登亦可預卜此皆仰蒙

皇上福庇之所致今將粵省廣州府屬早禾收成分數
及晚禾播種茂盛情形先行繕摺奏

聞謹

奏

但將為國為民之一誠感格

上蒼再無不響應之理總要方寸中信得及勉之至於聰
明作用虛文祈禱皆無濟於事惟以此心敬告

天地神明行久有效爾方欽服朕旨之毫髮不爽也

同日又

奏為奏繳

御批事竊臣齎摺家人回粵臣跪讀各摺

硃批周詳精切深中事機

指示如神無遠弗照臣謹凜奉遵行如粵東盜賊公行

紳衿富戶有懼盜資助以圖自全者臣自當詳慎

料理原情定罪人命事多報案殆無虛日臣自當

竭力詳審分別輕重除具疏

題報并自盡人命例不具

此奏殊覺煩多朕何暇覽此夫奏當之成雖臯陶聽之

題外其餘屍親願結之案另行具摺奏

猶以為然而況朕乎總在爾詳慎為之豈須此一奏即

聞至保奏人才尤不敢不小心慎密但臣止就其目前

足為憑耶

居官辦事量才酌用因地保薦倘蒙

天恩允准臣更益加琢磨不時稽察如敢少易初心微

有不符臣即據實糾叅今蒙

聖諭諄切惟有益加慎密留心察看斷不敢以曾經保

薦遂袒護其短姑容貽害有負

天恩謹將敬遵緣由繕摺覆奏并繳

硃批三合伏乞

皇上睿鑒謹

奏

可信者人而不可信者亦人萬不可深信人之必不負
己也不如此不可以言用人之能

聞知縣張象乾人甚去得官聲亦好如果是實即當保

題凡此等批諭具本時不必引入

同日又

奏為奏

聞事竊六月初八日原任廣州將軍李杅接到部文奉
旨石禮哈着陞補廣州將軍次日即有紅紙匿名帖粘
於將軍衙署照壁上內稱將軍奉

旨進京凡我旗營兵丁約齊往

萬壽亭抱牌保留如不能挽留兵情願去糧為農旗亦

情願棄甲回京十七日往大佛寺會議等語臣恐
旗兵棍徒借此聚衆生事不法隨委按察司往向
副都統等令其傳諭八旗四營兵丁各安本分倘
敢鼓衆滋事即當據實具疏叅

奏臣復密遣兵役嚴加巡緝至期棍徒竟未敢到寺
聚集此後旗兵俱漸安靜矣七月初一日兵部侍
郎臣阿克敦抵粵接署將軍印務李杕即於是日
登舟七月初四日

欽差兵部侍郎臣塞楞額抵粵即於初六日先將原
獲各犯會同審訊因本內供出未獲之人未經提
齊現在催拏擬過初十日齋戒之期再行確審俟
審定之日即當摺

奏外謹此先行具摺奏

聞謹

奏

知道了此貼單約人之舉或係陷害李林之作用亦未

可知為何不曾訪拏追究此輩即是生事之人也安可令其漏網

雍正四年七月二十六日廣東巡撫臣楊文乾謹奏為奏請

睿裁事竊照外省駐防八旗原為

國家股肱心膂之寄關係綦重查粵東上三旗俱係逆藩舊人恣意妄行生事不法其性情習氣與下五旗迥不相侔同為旗下勢如火水從前藩下人

俱不挑拔官員自原任將軍管源忠受其賄賂漸
開拔補之例甚至有

題至協領叅領者伊等同氣相應上下黨庇固結莫
解難以整頓此種之人倘遇有事不特不能出力
且恐為腹心肘腋之患臣請

皇上密諭將軍將現今旗員中共有藩下若干員陸續
輪流送京引

見

皇上觀其人材或留京補用或調補別省移調之時凡
本員之弟男子姪以及族中之人俱令攜帶同往
如此二三年間將藩下人員暗暗盡行移換則廣
東駐防數十年驕悍之習可以潛消默化矣是否
可行伏乞

皇上睿鑒施行謹

奏

此奏是朕亦早有所聞石禮哈實心為國人也令命伊

來廣州料必自能整理爾試觀之

同日又

奏為奏請

御批以便遵行事竊臣據高州府電白縣知縣周文傑
稟稱伊子周開捷原係江西袁臨協副將進京引

見蒙

聖恩補授西寧總兵并奉

諭旨爾可寫字與爾父具呈辭官來京謝恩欽此文傑

履歷雖開五十四歲實在年已六十有二精力漸衰稟請告辭等情到臣伏查此事未經准有部文據傳

旨意不敢輕信況周文傑臣看其精力尚未衰邁若以年老請休事涉虛假臣謹繕摺密奏伏乞

皇上睿鑒批示遵行謹

奏

朕原有旨諭周開捷令伊父周文傑告老來京可也如

仍可用朕另有加恩處

同日又

奏為酌議積貯以備接濟事竊照廣東戶口繁多本省所產之米不敷民食每藉粵西湖南販運接濟至本省各府州縣雖有積貯常平倉穀但陸運則山嶺間隔海運則風信靡常遇有需用欲移彼濟此深苦輸輓維艱今春米價昂貴臣與司道府等多方籌畫買穀平糶捐米賑濟并招徠商販使之

源源接濟茲幸賴

此由汝秉公忠一念至誠之所感也似此昭格顯然可
皇上福庇早禾收成十分豐熟廣惠潮各府米價俱已
不深信而益加勉勵歟朕實嘉悅之至我君臣期共勉
之頓減百姓樂業糴過倉穀亦可陸續買補不致缺

少臣伏讀

皇上屢次勅諭令各省預籌積貯仰見

宸謨廣運事出機先有備無患法垂千古臣欽遵奉行

今擬將已裁廣州右衛舊署修改作倉臣與常賚

諸事竭力節省將公費餘剩銀兩買穀入倉每年

約可積穀三四萬石四五年內可積至二十萬石
則省城可無艱食之虞矣至外府州縣臣擇大路
總口或由陸路或由水路可通達數州縣之適中
處所不拘城市大鎮建倉貯穀如遇某州縣需用
米穀即可就近撥運朝發夕至不特脚費可省并
免海運風濤之險況每年米貴地方亦不過數處
而各州縣原有常平倉穀再加此項幫助接濟移
此就彼俱可有益矣臣現在查明通省應設倉廩

幾處應貯穀石若干酌定地方議定數目另行具疏

題請外至買穀價銀查廣東落地税一項除正項之外督撫司道以及府州縣俱有規禮今奉部文令徹底清查盡歸公帑每年約可得數萬金可否即以此項贏餘銀兩買穀積貯若收成豐熟則二三年便可買足若收成歉薄則分四五年逐漸採買俟採買數足將稅課贏餘或歸司庫或解戶部另

行請

此亦可或間盤例收穀亦可爾斟酌妥確具本題奏
旨定奪是否有當伏乞

皇上批示遵行謹

奏

覽

雍正四年八月初五日廣東巡撫臣楊文乾謹

奏為奏

聞事本年七月二十五日據惠州府歸善縣報稱七月

十七日起至二十日止颶風暴雨二十一二兩日
水漲浸入城內房屋牆垣有被淹坍倒窪地晚禾
亦被淹浸等語附近惠州之博羅增城東莞等縣
亦報發水臣聞報即行令該府吳騫查看情形賑
恤被水窮民去後今據稟稱二十三日以後水勢
漸已消退並無傷損人口其被淹田禾尚可補插
等語臣隨飛行將被水窮民設法捐賑不使失所
并勸諭及時補種田禾無誤冬收外臣查惠屬一

帶因河道窄狹水流遲緩是以每遇驟雨便至湧漲今年水勢頗大然隨漲隨消幸不為害至廣州府之南海三水及肇慶府之高要高明四會等處上年被水各縣俱有圍基今年至七月間粵西水發臣預先分委官員備料搶築是以雖有衝決即時修復無碍田廬合并聲明謹

奏

此雖係沿海常有之事若可以用人力預防得不致為

害究當圖維一勞永逸之策徐徐籌畫為之

雍正四年十月二十一日廣東巡撫臣楊文乾謹
奏為遵

旨保送千總事竊臣接准部咨欽奉

上諭令臣保送千總一員如千總不得其人准於把總
兵丁內挑選即補放千總保送欽此臣因現在千把
總內不得其人謹遵

旨通營挑選今挑得兵丁郭公漢一名弓馬嫻熟人材

壯健隨補放千總除另疏具

題并給咨令其赴部引

見外合將緣由據實奏

聞謹

奏

俟其到京引見時酌定朕原欲得出色人材若並無軍功超卓之資不過弓馬嫻熟人材壯健從陝西調取來京武科進士可用者甚多引見之後似此等中材仍發

回爾本省留用耳

同日又

奏為奏

聞事竊照粵省歸善博羅東莞增城等縣於七月間被水禾稻尚可補插等情臣經具摺

奏明在案八月初間晚禾正在長發不意十七至二十等日大雨如注以致近山沿海之數縣復被水浸雖水勢比七月間減小尺餘但時過白露禾稻

難以再插恐致成災業已據實具疏

題報除委員分往勘明果否成災及輕重分數另

題外至此數縣之高阜地方及通省各府州縣臣復

遣員細查田禾俱極茂盛冬收約有八九分誠恐

上廩

聖心謹繕摺奏

聞伏乞

睿鑒謹

奏

因廣東民食維艱朕甚為繫念現命廷議資助之策尚未覆到今覽汝此奏通省田禾茂盛朕深為慰悅

同日又

奏為據實陳明事本年九月初三日候選同知奉旨發粵題補之黃文煒到粵宣傳

上諭臣跪聆之下不覺愧感交集惟有敬謹銘心凡遇一切政務必輾轉籌畫求一當字然後見諸施行

此等

但粵東官員習氣俱尚彌縫掩飾互相朦混則其

此係朕常時訓諭內外臣工之不敢實心任事者皆因

此習

贊為和平若整飭官方剔除積弊人不以為躁即

此為

以為刻矣即如原任肇高廉羅道李濱從前署糧

議論

何況爾等乎朕今正在剔除此風並非為此諭爾

因觀

驛道時驛站船隻俱朽壞不堪後經督臣孔毓珣

前諭

將李濱委署按察司將候補道殷邦翰委令接署

以急

糧驛道印務查出船隻朽壞不堪等情詳報到臣

擬即

據詳

題叅

因李濱再三具文懇請自願認賠是以准其限

皇

考當年亦常以戒急諄切訓諭我君臣當以此字常加

省察

不可自以為是也

內賠補查李濱除已賠出之銀外尚少銀一千二

百餘兩為數無幾但伊積欠債負甚多日受催迫

而二叅限期將滿又恐易結不結處分因用刀抹

頸且云非此一抹不能了目下之局蓋緣李濱留

和平

人豈有抹頸之理

心交際博人歡心人遂稱其和平其素日債主因

李濱抹頸壞官還債無日相率捏傳殷邦翰刻薄

巡撫急躁等語今蒙

皇上垂訓臣是以備細直陳若有一字欺隱自難逃

為李嶺之事朕絲毫無怪汝之意任其捏陷何能逃朕

聖明洞鑒之中再殷邦翰原奉御批俟伊助爾料理地方事務稍有頭緒再令來京欽

此今廣東積案漸就清理按察使臣宋瑋尚未來
宋瑋患病未必即愈看其人亦屬平常粵東屬員既不
廣目今

乏人可將殷邦翰咨部令其來京引見伊領朕之訓諭
皇上特簡道員中儘有能辦事之人臣揀擇諳練刑名
自必少增主見於咨部時不必引此旨
者令其署理按察司印務擬於冬春間將殷邦翰

給咨令其赴京引

見伏乞

皇上朕一見自然洞徹也酌量其才情漢伏或文或武不拘何省令其竭力

報効如不實心圖報即治以負

恩之罪為此繕摺具奏伏乞

睿鑒謹

奏

覽

雍正四年十一月十四日廣東巡撫臣楊文乾謹

奏為奏請

欽定四庫全書

硃批諭旨

卷六

睿裁事竊照惠州府知府吳騫因海豐縣盜案承審遲延覆叅限滿經臣照例

題叅部議革職奉

旨依議員缺即將奉

旨命往粵東題用知府之楊以寧

題補在案查吳騫操守頗潔居官謹慎在知府中亦屬廉謹自好之員其承審盜案實因武弁不將出首之人解送以致難以質審定案但因再限已滿

例應糾叅臣不敢違例庇護而該員操守政事俱有可取臣又不敢壅於

上聞有負

皇上慎重人才至意可否准其赴京引

見其賢否難逃

聖明洞鑒如果尚堪驅策或再令其効力臣未敢擅便
伏乞

睿鑒施行謹

奏

好給咨令伊赴部引見將此摺封固交與伊帶來呈進

同日又

奏為奏繳

御批事竊臣奏謝臣子應琚宣述

聖諭一摺奉到

硃批臣跪讀再三恍如面聆

天語

聖訓精詳臣惟有時時凜奉將黽勉公和屏絕私比八字敬錄懸掛朝夕瞻仰永久遵行又奏糾叅岳綸等各員保奏王士俊請補瓊州知府一摺恭蒙硃批祇領之下仰見

皇上天地為心恩威並濟臣惟有仰體

宸衷秉

國法以重名器存忠厚以育人材期於至當而已又奏電白縣知縣周文傑應否以年老告休具疏題

請一摺恭蒙

硃批臣謹遵奉知會周文傑令其具文告休容俟詳到具

題所有奉到

御批謹一併恭繳伏乞

皇上睿鑒謹

奏

知道了巡撫之任統率闔省時刻以不被人欺四字置

之目前大有益處

同日又

奏為奏覆事竊臣前回奏布政使臣常賚一摺恭蒙
硃批臣祇領欽遵查常賚自到粵迄今將及一載臣時
刻留心訪察其為人謹慎待人和平錢糧出入並
無苟且操守亦屬廉潔雖向後此心有無更移誠
如

聖諭未敢輕保但就其抵任以來實未有瑕疵可以指

摘除遵

旨不時細看少有瑕疵立即據實奏聞所有常賚現在居官情形合先密

奏伏乞

皇上睿鑒謹

奏

看其光景甚好恐粵省留伊不住矣

同日又

奏為奏

聞事竊照新任廣州將軍臣石禮哈已於十一月初九日抵任署將軍臣阿克敦於十二日自省起程前往肇慶署理兩廣總督印務擬於十六日抵肇接印聞督臣孔毓珣即於十六日交印起程理合奏

聞謹

奏

知道了石禮哈實心與朕効力之人乃少年中希見者

當與之和衷共相懋勉

雍正四年十一月二十四日廣東巡撫臣楊文乾

謹

奏為老戶改立的名行之有效事竊照粵東民間納糧俱用老戶一事臣已於上年十二月內

奏明在案今據各屬申報或因墾買過割之際就其本名註入冊內或就其赴縣完糧時問明辦糧之人的名登於原冊老戶之下在百姓初時不知原

委及改註數戶之後深知分立的名則已身完賦
之後他人未完者不致干連催擾而就糧管業界
址分明不致有詭寄飛灑諸弊咸稱盡善盡美萬
世無弊之良法俱爭先開報約一二年後通省各
屬可以改註全完矣至丁銀一項從前丁銀地糧
原係各辦自康熙五十年審定之後奉

聖祖仁皇帝諭旨不復加額是以粵東各屬丁隨糧辦者
已有十之四五其餘未隨糧轉者臣已令布政司

并各府州縣將丁銀盡行歸入地糧之內併項輸納永免無糧徼丁之累貧苦小民感頌浩蕩

皇恩歡欣載道矣為此具摺奏

聞謹

奏

覽所奏深慰朕懷

同日又

奏為覆奏事竊臣齋摺家人回粵捧到臣奏保舉人

才一摺恭奉

硃批臣捧讀之下仰見

皇上至聖至明無微不照臣謹凜奉遵行查張象乾原
係惠州府和平縣知縣臣抵任以來見其辦事有
才但性情舉動頗覺狂妄乖張向與文武同寅及
該管知府多參差不和必須磨礪方能有成查廣
州府香山縣原係應調之缺素稱難治非強幹之
員不能彈壓且離省甚近臣可不時稽察教誡是

以四月內具疏

題請調補已經奉

旨准允該員已赴香山新任今蒙

諭旨臣俟有人地相當之缺即遵照

題用今將該員為人居官之處先行繕摺覆

奏伏乞

睿鑒謹

奏

張象乾朕已有旨用知府矣若剛方不肯混俗又當一
論朕意位居下僚敢與人不和者非徹底糊塗人必有
自信處具有氣概之屬員須防人撥弄之言全在爾等
大吏為之主持也譬如爾等封疆大臣朕若惟人言是
聽則爾等不得不務與衆取和為要著孰肯孤介自立
耶觀人之法但以其所辦之事件并其操守聲名上定
為準則方好若祇以與衆不和遂以為乖張狂妄朕不
取此論雖然仍留心試看倘有不安處亦不可迎合朕

意而不奏聞

同日又

奏為覆奏事竊臣二月內回奏消弭盜賊一摺奉到
硃批臣即欽遵奉行除鰕勾艇等違式賊船已經查禁
拆毀外其盜藪賊巢臣責令州縣印官力行保甲
設法巡防并遴選捕巡等官分往各要緊村落山
洞設法搜擒誘令投首並着同族之人據實首報
以冀漸次消弭不敢急驟惟是粵東從前地方官

必放火傷人及數十人之盜案始行通報其餘概
不通詳上司又將案情略輕者留為外結是以歷
查疎防叅案似覺寥寥而被刦者實已不可勝數
臣嚴飭各州縣凡有地方被盜無論案之大小不
許一件隱瞞務必即時通報本年自正月至今通
計據報有八十五案內督臣已叅疎防者四十八
件其餘限期未滿督臣尚未

題叅臣復細查通省民間失盜實數較之往年約已

減少十分之二三此皆敬凜

皇上宸謨指授除盜安民之所致也為此繕摺奏

聞恭繳

御批謹

奏

凡事只一真字好應如是各令其通報也

同日又

奏為遠洋遣員朝

賀恭報起程日期事竊西洋國王聞

聖天子新登大寶專遣親信內員麥德樂恭齋方物遠

來朝

賀先經具疏

題報在案今麥德樂擇於十一月十六日自粵起程

臣照例給與勘合但定例勘合內所填止有二十

餘人因麥德樂所齋方物甚多跟隨共四五十人

臣於勘合外另支公費銀一千兩給為盤費并遣

員伴送赴京為此繕摺奏

聞謹

奏

此事爾等所辦稍欠允協已差官往迎矣所奏知道了
雍正四年十二月十八日廣東巡撫臣楊文乾謹
奏為奏

聞事竊照粵東今年早收豐熟兼以粵西販米頻來自
六月以後米價平減近因粵西買補倉穀禁止商

販轉運其東莞等被水各縣又赴省城搬糴而米
行射利之徒藉端昂其價值是以十一月間每米
一石賣至一兩七錢潮州亦賣至二兩以外臣思
米價驟長小民便難糴買所有奉

旨准撥粵西倉穀三十萬石大約明歲三月間方能有
穀運到再從前

題准將惠州府五萬石穀價撥令潮州府買穀存貯
亦因價貴未買臣思廣潮二府均關緊要酌撥接

濟不可刻緩除一面移咨粵西撫臣不可遏糴外
伏查各府惟高雷廉為產米之區三府各屬現貯
倉穀三十餘萬石彼處米價平賤無庸糴賣且年
久恐致霉朽若暫為撥用發價買補亦屬甚易臣
隨酌撥高州府倉穀七萬石雷廉二府各三萬石
委員押運將八萬石貯於廣州省城將五萬石貯
於潮州以備糴濟即將廣州府倉今春平糴穀價
惠州撥解潮州穀價照依時價發交高雷廉三府

令其照數買補還倉臣撥運之文甫發米行人等
并積糧之家聞之即不敢閉糶市價頓減俟高州
等府之穀運到并粵西倉穀運送前來自當日減
一日市價平而小民無艱食之虞矣為此繕摺奏
聞謹

奏

雖云因撥運而米價頓減但平糶之舉必看地方情形
察訪本處富戶積蓄及倉廩中存貯之多寡熟籌得當

方可舉行不可性急輕舉止圖價平取快一時倘遇緊
要之際積貯已至空虛所關甚巨設負販小人輩探知
爾意欲求平糶但齊行長價數日即可遂其願矣以有
盡之倉糧何能應無厭之懇求果倉糧有餘原係善政
何妨轉移若不能接續買補慎毋輕動總之爾等大吏
必胸存遠大長久之謀斟酌輕重緩急之機無過不及
適中合宜方不忝封疆重寄至於米價因平糶而減係
自然之理亦非奇特之籌策也凡百不可為目下小利

高興於一時事事當詳慎為之

同日又

奏為秋審緩決人犯密奏請

旨以廣

皇恩事本年十二月初六日臣接准部咨奉到

皇上欽恤刑獄

諭旨臣隨通行各屬現在凜奉遵行以仰副

聖心伏惟我

皇上天地為心恩被萬物而慮囚決獄更復哀矜慎重其蒙

特恩寬宥者不知凡幾八月內大沛

恩綸將保辜五日外殞命之案何純恭等一百一十七名從寬追埋釋放今年秋審情實人犯又奉

特旨停決雖堯之三宥湯之開網無逾於此臣仰體

聖慈因思秋審案內有緩決人犯一項為數最多論其情罪雖非可矜而亦不至於情實所以一次緩決

之後逐年皆擬監候有歷五六年始改可矜者有
歷十餘年尚未減等者此項人犯在獄日久懦弱
者或因衣食不繼或因疾病纏綿歷年久遠遂化
獄燐殊覺有負

聖主好生之至意至於狡黠者與獄吏禁卒狎習串通
魚肉新犯名曰牢頭竟成獄中之蠹並無改悔之
心且伊等在監情熟越獄逃監等事亦由此種人
犯倡率所致臣愚以為除秋審緩決一兩次者仍

行監禁再行詳審外其已經三次緩決者可否槩予減等發邊遠為民如此則疲斃之慘可免而犯少獄清易於防範并可免越獄逃監之慮矣但此法外施

恩出自

聖裁非臣子所敢擅請者為此繕摺密奏如果可行伏乞

皇上睿鑒謹

奏

此所奏斷乎不可身為封疆大吏切勿崇尚婦人之仁
犯人中如有不知改悔公然為牢頭為獄中之蠹者當
題請改其緩決仍從重議則可今日之予以緩決者皆
朕姑息之恩令其苟延性命之輩實無有可寬者在內
也朕甚不取汝此奏且恐汝務小而遺大寬嚴不得其
宜朕甚憂之大凡應嚴者既不能嚴則應寬者亦必不
能寬寬嚴失宜則賞罰顛倒賞罰顛倒則吏治何有準

繩也誠欲積陰功為子孫造福惟有一秉赤衷為國家
旌善懲惡當於此求之若枉國法以宥人乃損陰功殃
及子孫之心行有何福可造耶總緣中下之材居多識
見通達者少率皆不究根本不權輕重被世俗小知小
見朦蔽已靈方云造福不知已種無窮罪業方謂有利
不知大害已隨及至通盤大錯尚不悟已罪之由來反
怨

上天辜負好心之人殊不知皆其自取也讀朕此諭當警

省勉為之果能以公忠血誠對越

天地神明刑所當刑即決人亦造福之事何況其他勉之勉之

同日又

奏為遵

旨具題再行覆奏事竊臣前奏設法積貯并懇將落地稅贏餘買穀一摺奉到

硃批臣謹欽遵將十府一州之各大路總口查明可通

達數州縣之適中處所建立倉廩酌定應貯穀石數目并將酌開捐納款項各具疏

甚好

題報外又查廣肇兩府地勢低窪每年受西江水發

之患是以民間築有圍基以為捍禦從前皆係土基不過為一時之計水勢猛急隨築隨坍欲圖永遠堅固必須石工橋埽方能抵禦狂瀾然工程浩

大費無所出臣仰體

朕原有此意汝意與朕同當行之舉也

皇上念切民瘼廣興民利之至意敢不悉心籌畫以期

實有益於民生查粵東開捐原為倉穀起見若令
前者該部雖經議及於此然從何稽察其間自多陽奉
捐納人等從外省運穀交倉不過徒有虛名仍係
陰違者汝此奏是

購諸本省若令在本省買穀交倉又恐市價騰湧

臣擬銀米並收將本色者貯倉折色者為修築圍
此論甚好

基之用若本色不足再將所收之銀委官赴別省
採買運貯臣本應先行摺奏候奉有

批諭然後具疏但捐納一疏已遵

旨同積貯一案

題請今圍基先借支庫項亦擬於捐案彌補是以一併具

是

題至於圍基受害之由臣已備查的確并將高要等五縣圍基險衝平易逐一委勘明白及開濬盧包口淤塞舊河修復各圍內陂塘閘竇等項詳悉具

題并懇

題到之日朕再酌量

皇上特遣親信大臣前來同臣等估計帶領熟諳水利

人員協同辦理倘蒙

恩允則

聖恩浩蕩實拯億萬生民於饑溺中矣至捐納條款因
有圍基一項需費是以於捐監之外擬添數條庶
可敷用合併聲明伏乞

睿鑒謹

奏

覽

同日又

奏為奏

聞事本年十二月初九日巳刻忽聞各旗官兵將歸德門城門及街道木柵盡行關閉持弓挾矢戒嚴防守人民驚惶罷市旗員稟報將軍石禮哈而石禮哈即傳八旗官兵各帶器械圍署防護臣飛查緣由因有賣柑人以柑為賭勝負不均致搶奪追趕奔走喧嚷忽訛傳南海縣監犯越獄一語旗員遂將城門關閉木柵封鎖官兵戒嚴臣即令司道等

員往將軍衙門問其閉門之故石禮哈云外邊紛傳越獄所以如此據守堆兵獲解二人云越獄之言即係二人所說遂將二人交送到臣而石禮哈遂將城門木柵即行復開官兵散去臣將二犯發交按察司嚴訊據供俱係南海縣民壯因旗兵忽闕城門伊等有防護監獄之責所以往查不知旗兵為何將伊擒解等語臣思將軍臣石禮哈既已戒嚴拏獲若不將二人懲處難以完結此事因將

二犯枷責示衆又令該府遍曉鋪戶居民照常安業矣惟是粵東邊海之地省城又洋商輻輳之區

若被窺探舉動恐生玩視之心臣原欲規勸石禮

爾若

存此形跡

於胸中何能同心協力

既機會已過又

哈慮其壯年負氣或致嫌疑反礙

同城辦事伏乞

兼有此奏今則不必言矣此時若言不但生嫌且必致

皇上睿裁作何

結怨也

賜諭俾臣得與之同心協力鎮靜安民庶於地方大有裨益矣謹

奏

奏

待伊奏到朕自批諭以訓誨之石禮哈雖於此一事頗欠鎮靜但其人究係好者

雍正五年正月初三日廣東巡撫臣楊文乾謹奏為奏

聞事上年十二月二十六日申刻忽報番禺縣監犯越獄臣隨遣標下官兵疾馳前往將軍標廣州鎮協標兵丁亦來協拏又署廣州府胡恂親身督率兵丁奮力擒拏查逃出犯人共三十九名當下獲回

三十四名當場拒捕殺死五名未至三更俱已全獲居民並無擾動除現在查明各犯案由并行按察司確訊逃越實情照例加等問擬具疏

題報外合將越獄獲回并殺死五犯緣由先行據實奏

聞謹

奏

越獄各犯當即擒獲殊屬可嘉觀此則日前石禮哈之

舉動又不為孟浪矣

雍正五年二月初十日廣東巡撫臣楊文乾謹

奏為覆奏事竊臣齎摺家人回粵臣敬謹拆閱內有
條奏瓊州事宜一摺奉有

硃批臣謹祇領隨將摺內各項逐一確查并遣人密訪
情由謹臚列奏

聞

一原奏稱瓊州離省寫遠每多寄派交府者名曰

府平臣到任之後即詳明督撫盡行革除等語臣
歷查卷案瓊州向有陋規康熙五十八年知府俞
存仁曾具文報稱革過府平陋規等項至知府岳

綸任內漸又派收經臣

何必與屬員爭功若王士俊是爾之功則岳綸乃爾之
題參在案上年王士俊署府事臣復飭行禁革至今
罪也屬員中行有美政即係爾等之功不宜胸存小見
遵守

一原奏稱黎糧交納輒用重秤加倍徵收臣已經
禁革等語查黎人完糧向無加倍之事但黎人不

知糧賦科則俱係託人代納其代納之人或有多

收之弊自王士俊署理府事將代納之人嚴處并

好但

不可被屬員所欺

出示遍行曉諭今各州縣黎糧俱與民糧一例完

納

一原奏稱瓊州土地平曠儘可開墾而居民以樹

榔為業以致膏腴荒棄等語臣徧訪瓊屬官民俱

聞粵

民風實不務本向日逐末圖利已久種椰者今使

稱凡有腴土已盡成田現今每年報墾者皆係沙

其改

種禾稻自非所願全在爾等大小官吏徐徐開導

瘠之地况榔性喜燥宜於高地禾性喜濕宜於窪

令其醒悟樂從方始有益非可以法繩之者也近日為地今於高壟山坡種椰取利尚可易粟補食若迫此朕亦有諭爾等可實心率屬緩緩為之以此等粉飾其改種禾稻則不能發生是舍有利而使為無利巧辭奏朕於事何益耶

矣

一原奏稱瓊州生黎往往以採取梨木騷擾致使不安其性所宜撫綏馴致等語臣查生黎性多獷悍從前採取梨木香片每致騷擾生事臣囑令各屬設法化導現據崖州知州程哲等詳報招到生黎戶口臣已批行確查丁糧各數目俟到日另疏

題報外臣又飭各屬竭力撫綏寬以時日示以恩惠
則邊海生黎盡可為

聖世良民矣為此繕摺覆奏伏乞

皇上睿鑒謹

奏

覽

雍正五年三月十二日廣東巡撫臣楊文乾謹

奏為恭謝

天恩事竊臣接閱邸抄奉

上諭着准楊文乾所請給與半年之假料理伊父葬事
廣東巡撫印務着常賚署理欽此臣捧讀之下感激
難名涕泗交流隨恭設香案望

闕叩頭謝

恩訖伏念臣父畢世

寵榮皆

天恩之所

賞賚一生名節皆

聖德之所矜全及今歸土一事猶荷

睿慈俯允在臣父則始終戴德自必銜感於九泉而臣
則私願獲伸尤當圖報於百世凡此逾格遭逢實
屬古來罕覩而臣父子一門得邀

曠典至極莫加臣清夜細思愈深感惕惟有益殫忠盡
益竭駑駘不敢絲毫欺飾不敢一念懈弛以冀報
効

天恩於萬一除俟部文到日臣將巡撫印務交明常賚署理具疏題報恭謝

天恩外所有臣感激微忱合先繕摺奏

謝謹

奏

諒汝感激之心豈此筆墨所能宣也知道了朕從來不問人之感與怨但自信己之賞與罰耳

同日又

奏為奏

聞事竊照粵東惠潮兩府今春麥苗茂盛皆高數尺將
來豐收可以預卜惟是潮州各屬地方人多田少
又兼上年被水各縣冬間米價稍昂貧民有往高
雷廉等府就耕謀食者今聞二麥茂盛俱陸續回
籍力田亦間有未回者臣已捐發盤費口糧委員
前往查其盤費不敷無力回籍者量給盤費領回
安插至粵西撥運倉穀將已陸續裝運前來省城

米價甚平兵民安貼三月以來天氣晴和大非上年春間光景誠恐上廩

宸衷為此繕摺奏

聞謹

奏

據奏農民歸業大慰朕懷爾等封疆之任但以勸導百姓力田務本為要耳

雍正五年閏三月初一日廣東巡撫臣楊文乾謹

奏為奏

聞事竊臣蒙

皇上格外洪慈准臣所請給假半年臣於三月十八日

交印除具本恭謝


天恩外隨於二十二日起身路經清遠英德曲江等縣
地方見麥已將收禾苗初插正值望雨之時幸賴
皇上福庇連日大雨臣親見路旁禾苗青葱百姓歡呼
誠恐上廛

聖心合將臣舟次所見情形具摺奏

聞謹

奏

覽奏深慰朕懷



硃批諭旨卷九上